



Broj: 05-50-1-1002-1/24
Sarajevo, 8. 5. 2024. godine

PARLAMENTARNA SKUPŠTINA BiH

- Zastupnički dom -

Trg Bosne i Hercegovine 1
SARAJEVO

 BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO:		10-05-2024	
Organizaciona jedinica	Klasifikaciona oznaka	Redni broj	Broj priloga
01-50-1	474	24	

PREDMET: Odgovor na zastupničko pitanje – *dostavlja se*

Poštovani,

Vijeće ministara Bosne i Hercegovine, na 47. sjednici održanoj 7. 5. 2024. godine, na prijedlog Ministarstva komunikacija i prometa BiH, utvrdilo je Odgovor na zastupničko pitanje koje je postavio Safet Kešo zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

Privitak: - Kao u dopisu -


GENERALNI TAJNIK -
VIJEĆA MINISTARA BiH
mr. Robert Vidović

DOSTAVITI:

- naslovu
- a/a



Bosnia and Herzegovina
COUNCIL OF MINISTERS

Broj: 05-50-1-1002/24

Sarajevo, 7. 5. 2024 godine

Safet Kešo, poslanik u Predstavničkom domu Parlamentarne skupštine Bosne i Hercegovine, postavio je sljedeće poslaničko pitanje:

Programom rada VM BiH za 2023. godinu najavili ste da ćete (citiram):

“...nastaviti aktivnosti na reformi javnog RTV servisa u skladu s međunarodnim standardima i Ustavom zagarantiranim pravima konstitutivnih naroda i svih drugih građana Bosne i Hercegovine. Među prioritetima bit će donošenje novog zakona o Javnom RTV sistemu, čime će se omogućiti uvođenje novih RTV kanala u sistem javnih emitera i osigurati trajna finansijska održivost Javnog RTV sistema.”

U odnosu na citirano moja pitanja glase:

1. Šta ste tokom 2023. godine učinili na planu najavljenog nastavka reforme javnog RTV servisa u Bosni i Hercegovini i kakvi su efekti vašeg rada na tom polju?
2. Da li ste se, u skladu s međunarodnim standardima i zakonima naše zemlje, bavili rješavanjem krajnje zabrinjavajućeg položaja BHRT i šta ste uradili na tom planu?
3. Budući da ste ga nazvali jednim od svojih prioriteta u 2023. godini, zašto niste pripremili i poslali prema Parlamentu na usvajanje „novi zakon o javnom RTV sistemu BiH“?
4. Da li ste, kao ministar koji je direktno nadležan/odgovoran za ovu oblast, kroz Program rada VM eksplicitno iskazali političko opredjeljenje (svoje i grupacije „Trojke“) i najavili uvođenje separatnog NACIONALNOG HRVATSKOG TV KANALA?

Na postavljeno pitanje Vijeće ministara Bosne i Hercegovine je na 47. sjednici, održanoj 7. 5. 2024. godine, utvrdilo sljedeći

ODGOVOR

1. Reforma Javnog RTV sistema Bosne i Hercegovine zbog kompleksnih odnosa unutar sistema javnog emitiranja u Bosni i Hercegovini, a svakako ne treba zanemariti isto tako kompleksnu političku situaciju, je zahtjevan zadatak i iziskuje dijalog sa svim uključenim stranama. Reforma Javnog RTV sistema Bosne i Hercegovine počiva prije svega u izmjeni zakona o Javnom RTV sistemu Bosne i Hercegovine kako bi se prije svega riješila osnovna pitanja bitna za finansijsku održivost Javnih RTV servisa te njihove međusobne odnose unutar sistema javnog emitiranja u smislu raspodjele prihoda ostvarenih naplatom

RTV takse, marketinga, distribucije programa, organa važnih za funkcioniranje samog sistema javnog emitiranja, itd. U tom smislu, u razgovore o budućoj reformi cjelokupnog sistema javnog emitiranja uključena su sva tri direktora Javnih RTV servisa u Bosni i Hercegovini te je ujedno i formirana Radna grupa u kojoj su upravo tri direktora zajedno sa predstavnicima Ministarstva komunikacija i prometa Bosne i Hercegovine (u daljem tekstu: Ministarstvo), koji će zajednički pokušati definirati novi tekst Zakona o javnom RTV sistemu u Bosni i Hercegovini koji će suštinski predstavljati reformu ne samo u odnosima između tri Javna RTV servisa u BiH, nego i riješiti sva bitna pitanja za održivost cjelokupnog sistema javnog emitiranja u BiH. Imajući u vidu da pomenuta Radna grupa već radi na izradi novog nacrtu zakona nadam se da ćemo uskoro imati materijal koji ćemo moći uputiti u dalju proceduru na razmatranje i usvajanje od strane relevantnih organa Bosne i Hercegovine.

2. U skladu s važećim Zakonom o javnom RTV sistemu Bosne i Hercegovine, Ministarstvo je poduzelo sve aktivnosti u cilju prevazilaženja postojećih problema sa kojima se susreću svi zaposleni u BHRT i kompletnom RTV sistemu, kao i otežane okolnosti u kojima obavljaju svoje zadatke.

Ministarstvo je više puta pozivalo Odbor Sistema (dalje u tekstu: OS) da nađe rješenje za jedinstven model naplate RTV takse, budući da je to njihova zakonska nadležnost. Također, sugeriran je izbor članova kojima je istekao mandat u OS, kako bi imali pravno uporište za održavanje sastanaka i odlučivanje, jer je posljednja formalna sjednica ovog tijela održana u maju 2019. godine. Ministarstvo je predlagalo OS da definiira održivi model naplate i raspodjele RTV takse, da ustanovi međusobna potraživanja unutar javnog RTV sistema i definiira model prevazilaženja postojećeg problema.

Pored toga, u okviru svoje nadležnosti Ministarstvo je predložilo, a Vijeće ministara Bosne i Hercegovine donijelo odluku i BHRT-u su dodijeljena sredstva u iznosu od 4.000.000,00 KM u vidu državne pomoći kako bi se prevazišao period do konačnog finansijski održivog rješenja.

3. Novi zakon o javnom RTV sistemu Bosne i Hercegovine nije upućen u parlamentarnu proceduru iz razloga što nije bio proceduralno i formalno spreman, a što je uzrokovao eksterni uticaj.

Naime, u toku pripreme Prednacrtu zakona, trojici članova delegiranih od strane Odbora Sistema je istekao mandat u upravnim odborima javnih RTV servisa u Bosni i Hercegovini, a po automatizmu im prestaje mandat u Odboru Sistema i Radnoj grupi. Pripremljeni tekst prednacrtu zakona nije autoriziran od strane Radne grupe zbog prethodno navedenog razloga.

Ministarstvo je od Odbora Sistema dopisom zatražilo delegiranje novih članova u cilju da se okončaju aktivnosti na pripremi prednacrtu zakona, ali nije zaprimilo odgovor. Na više urgencija Ministarstva, također nije bilo odgovora, ali je Ministarstvo informirano da je Odbor Sistema posljednju sjednicu održao u maju 2019. godine.

Da bi se prevazišao ovaj problem, Ministarstvo je dopisom u aprilu 2023. godine, zatražilo direktno od sva tri javna RTV servisa u Bosni i Hercegovini, delegiranje članova za rad u Radnoj grupi, a od ostalih institucija zatražilo izjašnjenje o statusu već delegiranih članova u Radnu grupu. Tek u septembru 2023. godine kompletirana je lista delegiranih članova, donesena odluka o formiranju nove radne grupe koja ima isti mandat kao i prethodna Radna grupa, a da za polazni materijal uzima već pripremljeni tekst prednacrt zakona.

U toku su aktivnosti Radne grupe na izradi konačnog teksta prednacrt zakona.

4. Kao što se može provjeriti u Planu i programu rada Vijeća ministara Bosne i Hercegovine, Ministarstvo je planiralo izradu nacrt Zakona o Javnom RTV sistemu Bosne i Hercegovine na kojem radi navedena Radna grupa, isključivo sa ciljem uređenja međusobnih odnosa između Javnih RTV servisa, te njihove finansijske održivosti temeljene na dobrim praksama i međunarodnim standardima.